

國

朝

列

卿

紀

國朝列卿紀卷之二十

柱國少傅兼太子太傅工部尚書豐城雷 禮纂輯

提督應安等府學校監察御史同邑徐 鑒校梓

翰林院學士講讀學士年表

沈

度

直隸華亭人借書永樂十五年任侍講學士宣德元年陞翰林學士九年卒

曾

祭

江西永豐人進士永樂十六年任侍讀學士詳少詹事

楊

溥

湖廣石首人進士永樂二十二年任翰林學士掌院事詳內閣

王

直

江西泰和人進士永樂二十二年任侍讀學士本年陞左庶子詳吏部尚書

王

英

江西金谿人進士永樂二十二年任侍講學士本年陞春坊大學士詳南京禮部尚書

金

問

直隸吳縣人借書洪熙元年任侍講學士宣德十年陞太常少卿兼侍讀學士詳南京禮部左侍郎

蔣驥

浙江錢塘人進士宣德五年任行在侍讀學士本年陞禮部右侍郎

李時勉

江西安福人進士宣德五年任行在侍讀學士正統三年陞翰林學士掌院事六年陞國子祭酒

錢習禮

江西吉水人進士宣德五年任行在侍讀學士正統三年陞翰林學士六年掌院事詳禮部右侍郎

陳循

江西泰和人進士宣德五年任行在侍讀學士正統七年擢翰林院學士詳內閣

苗衷

直隸定遠人進士正統三年任行在侍讀學士詳內閣

高穀

直隸興化人進士正統三年任行在侍讀學士詳內閣

馮愉

山東臨朐人進士正統三年任行在侍讀學士詳內閣

蘭從善

河南磁州人永樂癸酉鄉舉正統三年任行在侍讀學士改庶子十年擢翰林學士掌院事景泰三年致仕

曹礪

直隸寧晉人進士正統九年擢翰林學士詳內閣

陳詢

直隸華亭人永樂戊戌進士正統十三年任侍讀學士本年謫知安陸州後召入大理少卿

張

益

直隸吳縣人進士正統十四年任侍讀學士直文淵閣詳內閣

劉

鉉

直隸長洲人鄉舉正統十四年任侍講學士景泰三年祭酒詳少詹事

商

輅

浙江淳安人狀元景泰元年任翰林院學士四年陞兵部左侍郎仍兼學士詳內閣

周

叙

江西吉水人進士景泰三年任侍講學士

陳

詢

見前景泰三年以太常寺少卿兼侍讀學士掌院事五年改祭酒

呂

原

浙江秀水人進士景泰三年任侍讀學士兼中允七年陞右春坊大學士詳內閣

倪

謙

應天上元人進士景泰三年任侍講學士天順元年擢翰林學士三年謫戍後起原職詳南禮尚書

劉

儼

江西吉水人正統壬戌進士天順元年以太常少卿兼侍讀署院事本年卒

李

紹

江西安福人進士天順元年擢翰林學士掌院事二年詳禮部右侍郎

林

文

福建莆田人進士天順元年擢翰林學士八年陞太常少卿兼侍讀學士掌院事尋致仕

劉定之

江西永新人進士天順元年擢翰林院學士八年陞太常少卿兼侍讀學士仍掌院事詳內閣

錢溥

直隸華亭人進士天順元年任侍讀學士八年降順德知縣後起原職詳南京吏部尚書

黃諫

陝西蘭州人正統壬戌進士天順元年任侍講學士三年謫職

柯潛

福建莆田人進士天順八年任翰林學士成化二年掌院事三年陞少詹事詳少詹事

萬安

四川眉州人進士天順八年任翰林院學士成化三年陞少詹事詳內閣

吳節

江西安福人宣德庚戌進士成化元年任太常少卿兼侍講學士三年陞太常卿兼學士掌院事

李泰

順天香河人進士成化元年任侍講學士三年陞少詹事詳詹事

劉珣

山東壽光人進士成化三年陞太常卿兼侍讀學士掌院事七年丁憂詳內閣

周洪謨

四川長壽人進士成化三年任侍讀學士本年陞南京祭酒歷禮部尚書

劉吉

直隸博野人進士成化三年任侍讀學士五年陞禮部侍郎詳內閣

陳

鑑

直隸長洲人進士成化三年任侍讀學士五年陞祭酒詳祭酒

丘

濬

廣東瓊山人進士成化三年任侍講學士五年丁憂

徐

溥

直隸宜興人進士成化五年任翰林院學士

孫

賁

河南杞縣人景泰甲戌進士成化六年任太常寺卿兼管讀學士本年卒

王

獻

浙江仁和人景泰辛未進士成化八年任翰林院學士十一年掌院書

楊守陳

浙江鄞縣人進士成化八年任侍講學士十六年陞少詹事詳吏部右侍郎

彭

華

江西安福人進士成化八年任侍讀學士十二年擢翰林學士掌院事十五年陞詹事詳內閣

尹

直

江西泰和人進士成化八年任侍讀學士十一年陞禮部右侍郎詳內閣

丘

濬

見前成化十三年任翰林院學士掌院事本年陞祭酒詳內閣

謝

一夔

江西新建人進士成化十三年任翰林學士十五年掌院事十六年陞禮部右侍郎詳工部尚書

江朝宗

四川巴縣人景泰辛未進士  
成化十三年任侍讀學士

徐溥

見前成化十六年以太常卿兼翰林學士  
掌院事十七年陞禮部侍郎詳內閣

李永通

四川長寧人榜眼成化十八年任侍講學士  
本年卒

王獻

見前成化十八年以太常寺卿兼翰林院學士  
院事二十三年卒

倪岳

應天上元人進士成化十八年任翰林院學士  
二十二年陞禮部右侍郎詳吏部尚書

焦芳

河南泌陽人進士成化十九年任侍讀學士  
二十二年降桂陽同知

李東陽

湖廣茶陵人進士成化十九年任侍講學士  
弘治四年擢太常少卿兼侍講學士掌院事詳內閣

李傑

直隸常熟人進士成化二十一年任侍讀學士  
弘治元年陞左庶子

汪諧

浙江仁和人進士成化二十三年以少詹事兼侍講學士  
掌院事

傅瀚

江西新喻人進士弘治四年進太常卿兼侍讀學士  
掌院事詳禮部尚書

董

越

江西寧都人進士弘治四年擢太常少詹兼侍講學士六年陞南京禮部右侍郎歷南京工部尚書

程敏政

直隸休寧人進士弘治七年擢太常卿兼侍讀學士掌院事八年丁憂詳詹事

李傑

見前弘治八年以太常寺卿兼侍讀學士掌院事詳禮部尚書

王鏊

直隸吳縣人進士弘治八年任侍講學士十一年陞少詹事詳內閣

楊守陟

守陳弟進士弘治九年任學士十一年陞南京吏部右侍郎詳南京吏部尚書

劉機

順天大興人進士弘治十年任侍讀學士十三年擢學士尋陞詹事歷吏部南兵尚書

焦芳

見前弘治十一年任太常寺少卿兼侍讀學士詳內閣

張元禎

江西南昌人進士弘治十二年任翰林院學士

張濬

廣西平南人進士弘治十二年任侍講學士十八年擢本院學士本年陞祭酒詳南兵尚書

梁儲

廣東順德人進士弘治十三年擢翰林院學士掌院事十六年陞少詹事詳內閣



江 瀾 浙江仁和人進士弘治十三年任侍讀學士  
丁憂十五年起翰林學士十八年陞少詹事

武 衛 山東沂水人成化戊戌進士弘治十三年任侍講學士十五年任學士開任

王 華 浙江餘姚人進士弘治十五年任翰林學士十六年陞禮部侍郎歷南京吏部尚書

張元禎 見前弘治十六年擢太常卿兼翰林學士掌院事十七年改掌詹事詳詹事

劉 忠 河南陳留人進士弘治十六年任侍讀學士十八年擢翰林學士掌院事詳內閣

白 鉞 直隸南宮人進士弘治十六年任侍講學士十八年擢翰林學士

劉 春 四川巴縣人進士弘治十六年任侍講學士十八年擢翰林學士

吳 儼 直隸宜興人進士弘治十七年任侍講學士正德三年落職五年復原職詳南京禮部尚書

江 瀾 見前正德元年任少詹事兼學士掌院事詳南京禮部尚書

白 鉞 見前正德二年以翰林學士敎  
濠吉士署掌院事詳禮部尚書

劉春

見前正德二年四月以學士掌院事詳禮部尚書

蔣冕

廣西全州人進士正德二年任侍講學士六年陞少詹事詳內閣

靳貴

直隸丹徒人弘治庚戌探花正德三年以太常寺少卿兼侍讀掌院事詳內閣

張芮

山西安邑人進士弘治十四年任侍講正德三年陞侍讀學士本年謫鎮江同知歷南京太常寺卿

楊時暢

陝西咸寧人進士正德三年任侍講學士四年陞太常寺少卿兼前職尋卒於官

毛紀

山東掖縣人進士正德四年任侍讀學士本年擢翰林學士掌院事詳內閣

傅珪

直隸清苑人進士正德四年任侍讀學士五年擢翰林學士掌院事本年陞吏部右侍郎詳禮部尚書

毛澄

直隸太倉人進士正德五年任侍講學士六年擢翰林學士七年掌院九年陞吏部右侍郎詳禮部尚書

徐穆

江西吉水人弘治癸丑榜眼正德六年任侍讀學士本年卒

顧清

直隸華亭人進士正德六年任侍讀學士十一年陞少詹事詳南京禮部尚書

吳一鵬

直隸長洲人進士正德七年任侍讀學士八年陞南京祭酒詳南京吏部尚書

朱希周

直隸崑山人進士正德十一年任侍讀學士十四年陞南京吏部右侍郎詳南京吏部尚書

汪俊

江西弋陽人進士正德十一年陞侍讀學士十六年陞禮部右侍郎詳禮部尚書

劉龍

山西襄垣人進士正德十一年任侍講學士十五年改侍讀學士嘉靖元年陞禮部右侍郎詳南兵尚書

李廷相

山東濮州人進士正德十一年任侍講學士嘉靖四年陞南京吏部右侍郎詳戶部尚書

陳霽

直隸吳縣人進士正德十二年任侍講學士詳國子監祭酒

石珪

直隸藁城人進士正德十二年以禮部左侍郎兼學士掌院事

豐熙

浙江鄞縣人弘治己未榜眼嘉靖元年任侍講學士署院事三年以議禮謫戍鎮海衛

張孚敬

浙江永嘉人進士嘉靖三年任翰林學士掌院事四年陞詹事詳內閣

桂萼

江西安仁人進士嘉靖三年任翰林學士四年陞詹事詳內閣

溫仁和

四川華陽人弘治壬戌進士嘉靖三年任侍讀學士本年陞吏部右侍郎

李時

直隸任丘人弘治壬戌進士嘉靖三年任侍讀學士本年陞禮部右侍郎詳內閣

董玘

浙江會稽人弘治乙丑進士嘉靖三年任侍讀學士四年陞詹事歷吏部左侍郎

方獻夫

廣東南海人弘治乙丑進士嘉靖三年任侍讀學士四年陞少詹事詳內閣

翟鑾

山東諸城人弘治乙丑進士嘉靖四年擢翰林學士掌院事本年陞禮部右侍郎詳內閣

穆孔暉

山東堂邑人弘治乙丑進士嘉靖五年任左庶子兼侍講學士詳南京太常寺卿

徐縉

直隸吳縣人弘治乙丑進士嘉靖五年任侍讀學士詳吏部左侍郎

張璧

湖廣石首人正德辛未進士嘉靖六年任侍讀學士七年丁憂

顧鼎臣

直隸崑山人弘治乙丑進士嘉靖六年擢翰林學士掌院事七年陞詹事詳內閣

許誥

河南靈寶人弘治己未進士嘉靖六年任侍講學士八年陞祭酒詳南京戶部尚書

席春

四川遂寧人正德丁丑進士嘉靖七年任侍講學士十年擢翰林學士掌院事十一年陞吏部右侍郎詳吏部

張潮

四川內江人正德辛未進士嘉靖六年任侍講學士十年擢翰林學士掌院事本年陞少詹事

許成名

山東聊城人正德辛未進士嘉靖十年任侍讀學士十一年丁憂詳禮部左侍郎

郭維藩

河南儀封人正德辛未進士嘉靖十年任侍讀學士十二年卒

蔡昂

直隸淮安人正德甲戌進士嘉靖十一年任侍讀學士十二年謫湖州通判歷學士禮部左侍郎

廖道南

湖廣蒲圻人正德辛巳進士嘉靖十一年任侍讀學士十二年謫徽州通判十三年復原職十六年丁憂開任

吳惠

浙江鄞縣人正德辛未進士嘉靖十二年任侍讀學士署院事十四年陞太常卿掌祭酒事詳國子監

張壁

見前嘉靖十二年任侍讀學士掌院事詳內閣太常寺卿兼侍讀學士

嚴嵩

江西分宜人弘治乙丑進士嘉靖十五年以禮部尚書兼學士掌院事本年出理部事詳內閣

溫仁和

見前嘉靖十五年以吏部左侍郎兼學士掌院事詳禮部尚書

姚 涑 浙江慈谿人嘉靖癸未狀元十五年任侍講學士本年丁憂卒

張邦奇 浙江鄞縣人弘治乙丑進士嘉靖十六年擢吏部左侍郎兼學士掌院事二十一年改掌詹事詳南京兵部尚書

陸 深 直隸上海人弘治乙丑進士嘉靖十六年任太常寺卿兼侍讀學士詳詹事

張 治 湖廣茶陵人正德辛巳進士嘉靖十七年任翰林學士兼右諭德二十年陞南京吏部右侍郎

張 象 直隸江陰人正德辛巳進士嘉靖二十年任侍讀學士二十一年陞太常卿掌祭酒事終南光祿卿

張 潮 見前嘉靖二十年以吏部左侍郎兼學士掌院事詳詹事

費 采 江西鉛山人正德辛巳進士嘉靖二十一年擢禮部左侍郎兼學士掌院事二十二年陞禮部尚書詳禮部

江汝璧 江西貴溪人正德辛巳進士嘉靖二十三年以左諭德兼侍講署院事本年陞少詹事詳少詹事

張 治 見前嘉靖二十三年以吏左侍郎兼學士掌院事二十七年陞南京吏部尚書詳內閣

徐 階 直隸華亭人嘉靖癸未進士二十六年以吏部左侍郎兼學士掌院事二十八年陞禮部尚書詳內閣

閔如霖

浙江烏程人嘉靖士辰進士二十八年任侍講

年陞太常寺卿

酒事

吳山

江西高安人嘉靖乙未探花三十年以庶子兼侍講

學士署院事三十一年陞太常卿掌國子祭酒事

敖銑

江西高安人嘉靖乙未進士三十一

年任侍講學士署院事

郭朴

河南安陽人嘉靖乙未進士三十二年

以左庶子兼侍講學士署院事詳內閣

閔如霖

見前嘉靖三十二年以禮部右侍郎兼翰林學士

教庶吉士三十三年掌院事三十四年改掌詹事

康大和

福建莆田人嘉靖乙未進士三十三

年以左庶子兼侍講學士署院事

尹臺

江西永新人嘉靖乙未進士三十四年以少

詹事兼侍講學士掌院事詳南京禮部尚書

袁煒

浙江慈谿人嘉靖戊戌探花三

十四年任侍講學士詳內閣

嚴訥

直隸常熟人嘉靖辛丑進士三十五年任

學士

李春芳

直隸興化人嘉靖丁未狀元三十五年任

學士三十七年加太常寺少卿仍兼學士掌院事詳內閣

七年加太常寺少卿仍兼學士三十九年陞禮部右侍郎

兼學士掌究

事詳內閣

董份

浙江烏程人嘉靖辛丑進士三十六年任學士三十七年加大常寺少卿仍兼學士詳禮部尚書

秦鳴雷

浙江臨海人嘉靖甲辰狀元三十八年任侍講學士

高拱

河南新鄭人嘉靖辛丑進士三十八年任侍講學士詳內閣

陳陞

浙江餘姚人嘉靖辛丑進士四十年任侍讀學士署院事

裴宇

山西澤州人嘉靖辛丑進士四十年任侍讀學士署院事

瞿景淳

直隸常熟人嘉靖甲辰榜眼四十一年任侍讀學士署院事四十二年陞太常卿掌南京國子監祭酒事

陳以勤

四川南充人嘉靖辛丑進士四十二年任侍讀學士署院事本年陞太常寺卿掌國子監詳內閣

胡正蒙

浙江餘姚人嘉靖丁未探花四十二年任侍讀學士掌院事

王大任

陝西保安人嘉靖癸丑進士四十二年以御史超任侍講學士

年削籍



姜 儼 江西南昌人嘉靖癸丑進士四十二年以  
御史起任侍讀學士丁憂

年削籍

張居正

湖廣江陵人嘉靖丁未進士  
四十五年任侍讀學士

殺士儻

山東武定人嘉靖丁未進士  
隆慶元年任侍讀學士

諸大綬

浙江山陰人嘉靖丙辰狀元隆慶元年任侍  
讀學士掌院事四年陞禮部右侍郎仍原兼

張四維

山西蒲州人嘉靖癸丑進士隆慶四年任翰林  
院學士掌院事本年遷吏部右侍郎仍兼任

丁士美

直隸清河人嘉靖己未狀元隆慶四年任侍讀學士掌院  
事五年陞太常寺卿管國子監事六年十一月以太常卿

兼侍讀學

士掌院事

陶大臨

浙江會稽人嘉靖丙辰榜眼隆慶六年以詹事兼侍讀學  
士掌院事本年陞禮部右侍郎仍原兼掌院事九月回部

申時行

直隸吳縣人嘉靖壬戌狀元萬曆元年以左庶子兼侍讀  
掌院事二年陞少詹事四年陞詹事仍兼侍讀學士掌院

事五年陞禮

部右侍郎

王錫爵

主簿太倉人嘉靖壬戌榜眼萬曆二年任侍讀學士  
隆慶五年以少詹事兼侍讀學士掌院本月陞詹事仍  
掌院事六年陞

禮部右侍郎

余有丁

浙江鄞縣人嘉靖壬戌探花萬曆六年以少詹事  
兼侍讀學士掌院事本年陞太常卿掌國子監事

何洛文

河南信陽人嘉靖乙丑進士萬曆六年任侍讀學士掌  
院事七年加少詹事仍兼掌院事八年陞禮部右侍郎

陳思育

湖廣武陵人嘉靖乙丑進士萬曆八年以少詹事  
兼侍讀學士掌院事九年陞禮部右侍郎仍原兼

陳經邦

福建莆田人嘉靖乙丑進士萬曆九年任侍  
讀學士掌院事十年陞禮部右侍郎仍原兼

沈鯉

河南歸德人嘉靖乙丑進士萬曆十年任侍講學士掌  
院事改侍讀學士十一年陞禮部右侍郎兼侍讀學士

朱康

浙江山陰人隆慶戊辰進士萬曆十一年以  
侍讀學士掌院事本年陞禮部右侍郎仍兼

王家屏

山西山陰人隆慶戊辰進士萬曆十一年任少  
詹事兼侍讀學士掌院事十二年協理府事

沈一貫

浙江紹興人隆慶戊辰進士萬曆十二年以少詹事兼  
侍讀學士掌院事本年陞禮部右侍郎兼侍讀學士

張位

江西南昌人隆慶戊辰進士萬曆十二年以少詹事兼侍讀學士掌院事十三年陞詹事仍掌院事十四年陞禮部

左侍郎教習庶吉士兼官

仍萬十五年回籍養病

于慎行

山東東阿人隆慶戊辰進士萬曆十三年任侍讀學士十四年陞禮部右侍郎兼侍讀學士

陳于陞

四川南充人隆慶戊辰進士萬曆十三年任侍讀學士十四年丁憂

徐顯卿

直隸長洲人隆慶戊辰進士萬曆十四年以詹事兼侍讀學士掌院事十五年陞禮部右侍郎仍兼侍讀學士

朱賡

見前萬曆十五年以吏部左侍郎兼侍讀學士掌院事十六年回部

劉虞夔

山西高平人隆慶辛未進士萬曆十六年以太常寺少卿兼侍讀學士掌院事十七年改詹事

黃洪憲

浙江嘉興人隆慶辛未進士萬曆十七年以少詹事兼掌院事

陳于陞

見前萬曆十七年以侍讀學士掌院事十八年陞詹事

翰林院學士講讀學士行實

沈度字民則直隸松江府華亭縣人度天資溫雅敦實自幼嗜學博涉經史洪武中郡邑交舉文學弗就坐累謫雲南跋涉萬里處患難其中裕然時同謫者多名人率與度交達官重帥爭欲迎致館下 岷王具禮幣聘之既至屢進直言居無幾辭都督羅能能知賢下士延於家塾爲弟子師且暮躬請益焉其入京師也以度偕行時 成祖初臨御命翰林舉賢才值禮部尚書江陵楊公溥爲編修以度名上擢翰林典籍時方制勅填委旣視草學士以下率分書之 上獨覽度書稱善一時翰林書如解大紳之真行草胡光大之行草滕用亨之篆八分汪汝

玉梁用行之真楊文遇之行皆知名當世而胡觴及度之書獨爲上所愛凡玉冊金簡用之宗廟朝廷藏秘府施四裔刻之貞石傳於後世一切大制作必命度書之書婉麗飄逸雍容矩度兼篆八分八分尤高古渾然漢意而日侍清密無間賞賜二品金織衣新製象笏鏤度氏名塗金以賜以其弟與子皆善書皆官之近侍父子兄弟並榮於朝古今以書遭承寵遇莫或加度書蓋度一藝耳爲文章尚理致平澹雅則不爲浮靡事上必盡誠被顧問必以正對由典籍陞檢討復陞修撰永樂十四年陞侍講學士奉直大夫仁宗皇帝賜詔命進協正庶尹贈其考奉直大夫協正庶尹翰林侍講學士其妣宜人子

告歸焚黃 賜鈔給驛傳 宣宗皇帝臨御進翰林院學士奉  
政大夫年踰七十再上章乞致仕歸不聽度事親孝與弟粲友  
愛相篤終身與人交久益敬爲人貞靜不苟附初入翰林鄉人  
有爲大宗伯者得 君有氣勢赫赫朝士希進者日奔走其門  
度以故舊獨自守未嘗輕造間或邀度輒以禮辭士論高之間  
暇閉戶焚香鳴琴賦詩以自樂人號自樂先生襟宇澄澹風韻  
蕭散所好惟載籍法書名畫古器自題其齋居曰樂琴書處雜  
別花卉奇石高人韻士至必具觴酌或吟或奕意度翛然所作  
詩文有韻南棗隨筆錄西清餘暇自樂藁藏於家年七十有八  
一日微疾猶作和王行儉詹事小洞天詞明日捐館宣德甲寅

十月二十二日也訃聞 上遣禮部郎中陳謨賜祭給驛舟歸  
喪 命有司營葬

曾蔡字子啓江西吉安府永豐縣人永樂元年中江西鄉試明年禮部會試中選者四百七十人名在第八 廷試遂中第一  
賜進士及第 成祖奇其才親批所對策褒美之 賜冠帶朝  
服授翰林修撰承務郎未幾詔解縉選進士二十八人俾進學  
文淵閣蔡爲之首五年陞侍講授承直郎六年丁內艱七年

大駕巡狩北京起復扈從十六年滿陞侍讀學士與修 太祖高  
皇帝實錄書成重沐賜賚丁父憂復起就職二十二年命主考  
會試 仁宗嗣位 宣宗正位儲官陞左春坊大學士仍兼侍

讀學士授奉議大夫 賜詔命詳詹事府

楊溥字弘濟湖廣荊州府石首縣人洪武時爲諸生入鄉試考官胡儼大加稱許取第一建文庚辰進士授編修永樂二年四月辛未選用東官官屬遷司經局洗馬仍兼編修侍 皇太子於南都十二年七月 車駕北征東宮遣使奉迎稽緩漢王高煦譖之 上怒曰此輔導者之咎也黃淮先至下之獄楊士奇金問繼至 上曰楊士奇姑宥之朕不識金問何人乃爾得侍東官 命法司鞫之辭連溥及芮善王愷遂俱逮之淹繫十年二十二年 仁宗登極釋之擢行在翰林學士掌院事洪熙元年正月己卯建弘文閣於思善門之左 命溥掌閣事選侍講



王璉侍直改博士陳繼學錄楊敬爲編修訓導何澄爲給事中  
俱輪班奏對 上親握閣印授璉曰朕用卿等於左右非止助  
益學問亦欲廣知民事爲理道助卿等有所建白卽用封識以  
進十一月丙申溥密疏言事 上褒答曰覽卿所奏爲國家計  
誠合朕心但望始終如一知無不言贊朕政治以承天休感卿  
忠懇特用酬報賜寶鈔綵幣卿其領之尋陞太常寺卿兼學士  
入閣詳內閣

王直字行儉江西吉安府泰和縣人永樂甲申登進士 成祖  
詔選進士曾棧等二十八人爲翰林庶吉士俾讀中秘書直在  
選中感激奮志不數年文辭追古作者 上以直卓越諸士召

入內閣凡機密之政屬執筆焉尋授翰林修撰 車駕巡狩北  
京 仁宗爲皇太子監國留務之重選任尤嚴時翰林則留黃  
淮楊士奇與直三人輔導直夙夜勤慎不懈中外咸倚重之及  
再幸北京直在扈從遂與修 太祖實錄未成以憂去服闋仍  
入翰林陞侍讀二十二年 仁宗卽位進侍讀學士 宣宗爲  
皇太子慎選官僚陞直右春坊右庶子仍兼侍讀學士凡經筵  
講義及文武羣臣 誥勅皆以屬直又兼記注至於 聖政聖  
訓之當書者皆錄之以備纂述進階奉議大夫 宣宗卽位與  
修 兩朝實錄五年書成進詹事府少詹事仍兼侍讀學士有  
白金彩幣襲衣寶鑑之資進階中順大夫 英宗嗣位詔修

先朝實錄以直總裁正統三年書成進禮部左侍郎仍兼學士賞  
賚如前又之以禮部缺人 命出蒞部事宗伯胡濙大喜闔部  
之政悉付之直處之裕然若素習者吏部尚書郭璉去位 詔  
以直代之 命下士類皆悅詳吏部

王英字時彥江西撫州金谿人永樂甲申進士改庶吉士歲戊  
子預修 太祖高皇帝實錄丁亥授翰林修撰扈蹕巡狩北京  
丙申陞翰林侍講戊戌實錄成 賜襲衣綵段錠鈔壬寅胡寇  
犯邊二月 上親征命扈從旋師過威虜鎮李陵城已四十里  
上召諭曰聞李陵城右石碑可往視之明日備奏其故 上曰此  
碑旣鐫有韃靼姓名異日胡虜必以此地爲已物爾宜再往鑿

碎之用火燬沉之於河英如旨而往既還奏上喜謂曰秀才

是二十八人讀書者朕需爾爲用正好宣力勿憚勞苦因問伐

虜成功如何對曰胡寇聞天兵親征必遠走漠北臣願陛

下幸毋入險窮追也上笑曰朕爲天下國家討秀才之言惟

不欲窮兵黷武耳復謂曰凡軍中一切動靜或謠言之類爾有

所聞卽來密奏又論太監孟驥曰秀才入見母阻六月上

駐蹕安平鎮立功官軍因有過不與口糧相聚悲泣曰吾等糧

盡必死道路矣英以爲言上悅卽令兵部尚書李慶仍給口

糧并載衣甲驢一匹甲辰上復親征胡虜還次榆木川晏駕

時仁宗在東宮命尚書蹇義夏原吉學士楊榮楊士奇侍讀

王直與英同定喪禮議國政宿內閣凡七日 仁宗嗣位加恩

賜白金彩段八月進秩侍講學士尋陞右春坊大學士兼翰林侍講學士詳南京禮部

金問字公疏直隸蘇州府吳縣人少受易俞貞木家貧無書從人借讀無不通解永樂二年被薦爲司經局正字十二年宮僚多得罪問亦坐繫獄十年非義相餽皆不受時黃淮楊溥同坐繫二人相得甚懼省躬念咎之暇各持一經講論因此處憂患之道也洪熙初釋繫 命待詔思善善門制授翰林修撰備顧問論時政之得失悉見獎納元年陞侍講學士宣德十年擢太常少卿兼翰林侍讀學士正統十年陞南京禮部右侍郎十二年

卒於官詳南京禮部

蔣驥字良夫浙江杭州府錢塘縣人洪武庚辰進士擢行人能  
其官永樂初 成祖詔文學之臣纂修 高廟實錄驥與焉書  
成陞翰林檢討 賜白金文綺襲衣已又預修永樂大典爲副  
總裁 賜楮幣綺帛五年翰林學士解縉出爲交趾參議以事  
逮獄坐連累拘幽者十餘載中扁坦然日以書史自娛未始有  
幾微怨懟意二十二年 仁宗卽位宥復前官踰月陞左春坊  
左司直郎 宣宗嗣統之初以官僚 恩陞翰林院侍講宣德  
紀元奉 命祀東鎮洎大禹南宋諸帝陵竣事遂得便道省謁  
其二親本郡方岳重臣以及郡邑官僚咸瞻望下風慊然不敢

當日推牛醞酒燕集姻黨榮壽其親歸朝與修 兩朝實錄五  
年書成賚錫循永樂故事尋同考會試復進秩侍講學士會  
上命左右大臣簡廷臣之才且良者佐六卿授禮部右侍郎蒞職  
踰二旬得風疾不移時遽卒詳禮部

李時勉名懋以字行江西吉安府安福縣人永樂甲申取進士  
選庶吉士預修 太祖實錄守制服闋起復授刑部主事仍與  
纂修書成轉侍讀未幾被讒下獄既而宥之癸卯以楊榮薦復  
其官宣德五年修 兩朝實錄成進侍講學士一日 上幸史  
館撒金錢於地衆爭取之時勉端立不動 上親取袖中餘錢  
賜之又幸文淵閣命諸學士飲酒 上曰時勉非朕安能飲此

酒正統三年戊午陞學士掌院事六年遷國子祭酒既蒞任崇廉耻抑奔競別賢否示勸懲士習不變諸生有疾躬爲醫療至於貧不能娶死不能殯者皆爲營辦恩義兼盡不啻父子餘詳國子監

錢習禮名幹以字行江西吉安府吉水縣人永樂六年江西解元明年會試中第十車駕北幸因得從遊京師而才益進九年辛卯廷試取進士入翰林爲庶吉士尋授檢討叅史職甲辰會試命爲同考八月仁宗卽位一新庶政陞翰林侍讀與知制誥洪熙元年勅同修成祖實錄及仁宗升遐又

勅同修仁宗實錄時有詔許焚黃承命以往丙午促召還京



借太子少保金幼孜等入見 命修實錄二年春闈命爲同考官三年戊申元夕 賜文武近臣觀燈萬歲山賜宴及文臣賦詩以進賜之鈔四年八月應天府鄉試 命爲考官十二月朔霜寒甚 上命光祿賜在廷文臣羊酒以禦寒曰 皇祖考在位每日常有賜今朕多事忘之汝勿忘五年兩朝實錄成 賜金織襲衣銀幣考禮部會試陞行在翰林院侍讀學士七年

駕過史館有作併賦招隱之歌以示近臣八月考北京鄉試十年

乙卯春 宣宗晏駕 英宗卽位二月上 宣宗尊號賜白金

秋九月詔修 宣宗實錄十二月賜文綺丙辰正月改元正統

大臣建議開 經筵詔可其奏命爲講官三月 上臨軒策士

命讀卷勞以羊酒賜宴於禮部戊午四月進 宣宗實錄 上

御奉天門慰勞甚至賜白金文綺織金襲衣陞行在翰林學士  
賜宴於禮部八月應天府鄉試命爲考試官四年充廷試讀卷官  
六年掌院事尋考北京鄉試七年壬戌爲行婚禮賜紗衣紗帽  
金扇香帶等物九年甲子三月大新國學成 上祇謁 先聖

躬行釋奠禮幸彞倫堂命祭酒司業進講從臣坐聽命與其列  
七月上章乞致仕勿允且降諭天下憲臣及縣令有難其任察  
舉以聞凡舉所知人以爲當十年乙丑禮部春試 上復命爲

考官三月進五倫書蒙賞叅冬十月 欽陞禮部右侍郎縉紳  
往賀之對曰吾今任有司之職矣何以賀爲時 朝廷稽古右

文事多由禮部又命兼署吏部事卒謚文肅詳禮部

陳循字德遵江西吉安府泰和縣人永樂乙未進士第一授翰

林修撰 太宗特重儒臣賜第萬寶坊 駕幸北京命循載秘

書赴行在遂留用之 三殿災循上疏多見采納洪熙改元轉

侍講宣德初命與楊溥輪直南宮備顧問又賜第於玉河西五

年庚戌擢行在侍講學士時御史張楷上詩涉時政僉事陳祚

勸講大學衍義忤旨 宣廟震怒循力救之獲免正統初兼經

筵官七年壬戌擢本院學士九年甲子入內閣詳內閣

苗衷字秉彝直隸鳳陽府定遠縣人永樂辛卯進士第二授編

修宣德初與修 兩朝寶錄轉侍讀正統紀元侍 經筵二年

與修 宣宗實錄進行在侍讀學士七年主考會試得姚夔劉儼呂原韓雍程信項忠白圭諸公爲時名卿十年陞兵部右侍郎兼侍讀學士命入內閣典機務詳內閣

高穀字世用直隸揚州府興化縣人永樂乙未進士選翰林庶吉士授中書舍人甲辰改春坊司直郎洪熙初擢翰林侍讀宣德乙卯考順天鄉試正統改元楊士奇薦侍 經筵講讀賜三

品服三年戊午與修 宣宗實錄成轉侍講學士甲子考應天鄉試乙丑遷工部右侍郎仍兼前職入內閣典機務詳內閣  
一馬愉字性和山東青州府臨朐縣人宣德丁未進士第一授修撰正統初轉侍讀侍 經筵三年預修 宣宗實錄進侍讀學

士乙丑王考會試得商輅人服其議十年命入內閣詳內閣

蘭從善字有恒河南磁州人永樂癸酉貢士初任揚州府學教

授召入授編修轉侍讀宣德五年預修兩朝實錄成遷司經

局洗馬正統二年進侍讀學士未幾改右庶子十年陞翰林院

學士掌院事景泰三年致仕初陞學士與王文端公錢文肅公

相得甚懽及卒上賜奠章曰卿以文學與教郡邑用膺簡擢

進事先朝翰院官坊累遷清秩暨朕嗣統陞職有加史館經筵

悉勤乃事操履篤實益久不渝

廖道南曰予觀王文端公稱從善心淳氣平學行端方景泰易

儲詞林加官保者二十餘員而從善獨守官如舊及讀崔仲鳧

所撰彰德志益信其爲篤厚君子云

曹萬字德恒一字萬鍾直隸真定府寧晉縣人永樂癸卯初舉鄉薦中乙榜授代州學官疏辭不受銓曹銜之改任泰和典史時中使旁午置郵無虛日萬處之裕如公暇卽延禮師儒講明理性宣德壬子督部工匠赴闕疏乞入試中第二人大學士楊文貞公一見奇之明年廷試宜皇策以義禹河洛象數萬對

稱首上親擢第一授翰林院修撰從楊文定公遊所得益深

正統初英廟初御經筵掄選講讀官萬首預焉敷納明暢聞者聳敬三年預修宣廟實錄成轉侍講五年簡入內閣參知政事甲子進翰林院學士乙丑廷試讀卷得商輅爲第一是歲

陟吏部右侍郎仍兼學士詳內閣

陳詢字汝同直隸松江府華亭縣人永樂戊戌進士選庶吉士授編修宣德間轉修撰正統初充經筵講官三年預修 宣廟實錄進侍讀十三年秩滿侍讀學士坐累謫知安陸州己巳召入爲大理寺少卿巡撫大名諸郡景泰三年改太常少卿兼侍講學士掌院事五年改國子監祭酒詳國子監

張益字士謙直隸吳縣人永樂乙未進士正統三年任修撰博學強記見稱於時十四年陞侍講學士入內閣詳內閣

劉鉉字宗器直隸蘇州府長洲縣人永樂戊戌以善書徵入翰林明年中京闈鄉試未上春闈授中書舍人宣德己酉陞修

兩朝實錄成陞兵部車駕司主事仍蒞事內廷正統戊午與修

宣廟實錄成進翰林侍講金綺之養有加戊辰詔擇進士類敏者  
爲庶吉士屬教之鉉懲曩之事虛文者慨然以師道自任俾力  
追古作有一字未愜者經月不置以故諸吉士大有所造後多  
以文學致名己巳進侍講學士景泰庚午主考京闈及揭曉第  
一人劉宣乃盧龍軍士同事者欲更之鉉曰夫朝廷立賢無方  
不可乃止時論黷之初置 經筵官屬首選數賜白金文綺實  
儀禮遇甚隆辛未夏不雨特遣祭四瀆壬申春缺祭酒衆難其  
人大學士高穀曰學行老成無如劉鉉者遂抗章薦之 命下  
以鉉爲國子祭酒詳國子監



商輅字弘載浙江淳安人宣德乙丑狀元正統己巳任侍講景泰元年陞翰林院學士本年秋英廟回鑾輅迎至居庸關伏謁命草詔稱旨賜酒果馬匹既而錦衣衛指揮盧忠妄言南內事中官阮浪等被重刑猶欲窮治不已輅極言不可輕聽以壞大倫有傷骨肉之情二年遷兵部侍郎兼左春坊大學士詳內閣

今言曰御用左少監阮浪侍英廟南宮浪下內官王堯者往蘆溝橋抽分浪以南宮所賞鍍金梁扣綉茄袋鍍金結束刀一把與堯堯歸飲錦衣指揮盧忠家蹴毬褫衣忠因見其袋刀非常制遂令妻進酒醉忠解之械而入皇城白裏行太監高平以

爲南宮欲謀復皇儲令浪遺堯以袋刀賞忠求外應堯竟以此  
與浪義子趙縉皆凌遲沒產浪入詔獄炮烙煨煉苦慘備至卒  
不承死獄中天順復辟忠亦凌遲贈浪本監太監儒臣撰文立  
碑官縉子銳錦衣試所鎮撫

增

周叙字功叙江西吉水人永樂戊戌進士選庶吉士授院編修  
宣德三年預修兩朝實錄成轉修撰正統三年進侍讀六年辛  
酉閏十一月叙上言三事一曰興學校二曰親農桑三曰慎銓  
選上命所司舉行十二年署南京院事十三年陞侍講學士  
仍掌南京翰林院事己巳九月英宗北狩叙上言八事一曰  
勵剛明二曰觀經史三曰修軍政四曰選賢才五曰安民心六

曰廣言路七曰謹微漸八曰修庶政疏上嘉納景泰二年召爲  
侍講學士天順初叙上言請修宋遼金三史詔令自修進呈又  
上致治保邦十二事中與太平十四事俱付所司采擇行之未  
幾卒於官

呂原字逢原浙江嘉興府秀水縣人正統辛酉鄉薦第一壬戌  
進士及第授編修癸亥預修五倫書賜寶鏡丁卯被選進學東  
閣侍經筵景泰初遣祭於蜀歸充經筵講官轉侍講三年壬申  
遷右中允兼侍講是秋進侍讀學士兼中允癸酉預修歷代君  
鑑錄主考順天鄉試乙亥預修寰宇通志明年擢右春坊大學  
士仍兼侍講天順初改通政司左叅議兼侍講主考會試時徐

有貞既黜薛瑄請老乃特用李賢拜召原與岳正入內閣命原兼學士詳內閣

倪謙字克讓應天府上元縣人生有四乳人咸異之正統己未進士及第授編修甲子命祀北岳己巳轉侍講使朝鮮景泰壬申遷左中允兼侍講侍 經筵以易儲事進侍講學士丙子預修寰宇通志遷左春坊大學士天順紀元改通政司左參議仍兼侍講遣祭遼荆楚三府還進本院學士戊寅 憲宗出閣充講讀官己卯主考順天鄉試以舉子奏發陰事下詔獄謫戍開平成化元年復翰林院學士預修 英廟實錄三年擢南京禮部侍郎御史陳選劾之致仕詳南京禮部

劉儼字宣化江西吉安府吉水縣人爲人端介自幼不凡勤學

勵行父退菴知有遠大志遣從族之先達時年十六七爲文必

主理雖舉子業耻爲口耳之學務探底裏嘗曰讀書豈但皮毛

而已年二十四遂領鄉薦春闈中乙榜不就而還潛心林下二

十六年正統壬戌乃得雋春闈廷對有鯁直忠愛之詞遂擢

進士第一授翰林修撰階儒林郎位既顯學益進遂以古文明

天下八年與修五倫書獲賞賚十一年充經筵講官賜勅

命景泰初進侍講階承直郎三年遷右春坊大學士兼舊職階

奉議大夫四年與修君鑑書有白金文綺之賚五年選進士十

八人爲庶吉士與狀元孫賢等屬教之六年賜誥命是年修

寰宇通志爲副總裁繼續宋元通鑑綱目復領之七年志書成  
進太常寺少卿兼侍讀階中奉大夫錫賚益厚尋主考京闈大  
學士陳循王文之子欲僥倖科名儼持公道落之遂誣以重罪  
賴大學士高穀救之獲免天順改元 英皇復位獎用忠良命  
署翰林院事將有寵任之漸尋疾卒於官性孝友初二親垂白  
在堂伯兄早亡仲兄優游文翰間惟儼綜理家務雖公私多故  
而二親安其養及遭親喪立見毀形凡附身附棺之事無所不  
用其極居閑教子弟務底成材有姪曰敦官阜城而死哭之歸  
觀於鄉族人數千指稱無間言凡窘者葬其喪貧者成其配窆  
弱者扶之得所及上春官鄉人有貸者悉焚其券嘗慕范文正

之爲人立義倉於先祠之左貯粟以周其乏且自爲記以見志  
在朝言論侃侃所交必正人回邪者必折之不少借用是直聲  
大振訃聞上悼惜不已特贈禮部左侍郎謚文介勅工部營  
葬事復遣官諭祭其家享年六十有四

李紹字克述江西安福縣人宣德癸丑進士是歲奉使雲南歸  
遇宣宗皇帝銳志儲才合臨御以來三科進士數百人拔其  
尤者應二十八宿爲翰林庶吉士俾積學以俟大用優禮給賜  
一循永樂甲辰之典仍賜御製詩以示勉勵紹與其列乙卯

英宗皇帝嗣位擢翰林檢討預修宣廟實錄爲檢閱校正正統  
戊午書成賜白金支綺加祿秩并賜宴西苑己未以剩

賜歸鄉里期年大學士楊士奇卧病 英宗遣內官詢人才舉紹  
等五人以對 召復任充經筵官丙寅丁內艱己巳服闋還任  
踰月滿九載陞修撰是秋北虜寇邊六師敗績於土木之變朝  
士多遣家南徙紹曰主辱臣死奚以家爲卒不遣庚午景泰紀  
元兼經筵講官辛未同考會試壬申陞司經局洗馬兼修撰甲  
戌王考會試兩持文衡去取公當士論翕然推服尋奉 命祀  
南嶽舟至洞庭阻暴風爲文禱於神俄頃風息舟行無虞丙子  
預修寰宇志成 賜白金綵幣進右春坊右庶子兼翰林侍講  
天順丁丑改尚寶司卿兼侍講尋掌院事冬陞本院學士 賜  
二品金織衣戊寅奉 命與諸學士更番侍講讀於文華殿時



禮部郎中李和托一釋子囑權近求爲禮部右侍郎士論紛不平 上密訪學士李賢尚書王翱各薦紹 上喜曰朕知此人久矣次早召吏部陞紹禮部右侍郎聞者爲之驚喜及任公卿往賀尚書王翱舉酒酌曰天選侍郎也蓋以前此倖進者多指授故云詳禮部

林文字恒簡福建興化府莆田縣人自少凝重穎敏異於羣童稍長讀書思義務深沈求索不以難易易意故經傳微辭奧旨人所窘惑者文率有悟人處遊郡庠益肆力於學會元陳先生中歸家有重名文師之先生叩其學成待以賓友禮宣德丙午中鄉舉庚戌中會試人對大廷以第三人賜進士及第授行在

翰林院編修正統初與修宣廟實錄充經筵講官實錄成陞翰林院修撰連丁內外艱服闋仍兼舊職景泰壬申遷左春坊左諭德兼修撰癸酉修歷代君鑒成丙子修天下郡誌成皆有襲衣文綺之賜陞左春坊左庶子兼侍講天順初英宗復位改尚寶司卿仍兼侍讀命往河南祀淮瀆之神還拜翰林院學士兼東宮講讀官充國志副總裁甫二百年無正拜學士者自文復見羣情悅服三年己卯以年及乞致仕上諭少保李文達公曰此淳雅君子也不可釋去庚辰春差充廷試讀卷官自是屢以老請皆不允八年癸未憲宗登極進拜太常寺少卿兼侍讀學士未幾復懇辭歸老傾城士大夫迎候羅拜觀者如

堵墻又數百年所無者久之近臣有言文宜寘內閣供事將起之學士劉文安公知文必不來乃白而止已而季子載言文年八十願授京秩以資祿養遂以載爲中書舍人越二年成化丙戌卒贈禮部左侍郎公爲人神清志定充養有道燕居端處終日欽欽其經幄論說史館紀撰勞益實多行於道不游目而視與人言未嘗率爾應答自敵已以下皆降色與爲禮故人無鉅細皆深服其德噐暮年形神安康奉祭祀接賓友酬應靡倦其恭敬不減於少壯之日凡聲色華侈之好終其身不接耳目縉紳推爲醇儒故宗伯黎又僖公爲官詹時語韶曰翰苑中古意時流相半有人然表裏或不能如一吾見林先生終始無間

平醇者也其爲時所重如此文達公嘗謂文德性堅定而不移  
氣質沉靜而不躁處心平易操行端潔臞然若不勝衣而志不  
懈氣不餒識者以爲知言所著作平實與正類其爲人一時贈  
送四方碑刻多出文手有淡軒稿存於家

劉定之字主靜江西永新縣人正統丙辰會試第一賜進士第  
三名授編修丙子轉右春坊右庶子天順紀元改通政司左叅  
議兼侍講是冬進翰林院學士掌院事甲申遷太常少卿兼侍  
讀學士充副總裁官仍掌院事成化丙戌簡入內閣叅預機務  
詳內閣

錢溥字源溥直隸松江府華亭縣人正統四年己未進士太監

王振訪可教內侍書或薦溥試舊徵露詩大見稱賞特授翰林院檢討景泰辛未遷左贊善兼檢討七年修寰宇通志轉左諭德兼編修天順元年改尚寶司少卿仍兼編修時以奪門叙功溥善希時旨謂兵部尚書陳汝言曰方今論功行賞殆無虛日而母后徽號未加獨非缺典與汝言以其言奏英宗大加稱賞隨付史氏以行尋陞侍讀學士會修大明一統志充副總裁六年壬午頒詔安南充正使貽書與其王論郊迎禮甚悉此還希躡崇樞出入奄豎有太監王倫者受業於溥當英廟大漸時倫出就溥舍妄議時政邏者得之以聞下獄罪且不測有左右之者乃得末減降廣東順德知縣成化二年丙戌以近侍

懷恩出其講下薦復原官閑任九年起侍讀學士掌南京翰林院事十三年陞南京吏部左侍郎掌部事詳南京吏部

黃諫字廷臣其先揚州府高郵州人洪武初以富民坐法徙置陝西蘭州幼有異質讀書績文不煩師友程督日有進詣時蘭州尚爲縣選充縣學生 朝廷編輯四書五經性理大全書頒

之學宮士未能盡見諫手錄誦讀沈潛有得老師莫能窺其際正統辛酉以書經中陝西鄉試壬戌會試中式俱亞魁選廷試賜進士及第第三名授翰林院編修獲讀中秘書學益遂景泰五年上饒歌鼓吹曲 詔付史館七年同少卿劉儼主考順天鄉試時大學士陳循子瑛王文子倫俱不第遂構陷考官賴大

學士高穀覆試獲免秩滿轉左春坊左中允兼編修天順初改  
尚寶司丞仍兼前職石亨等言其功擢尚寶司卿充經筵講  
官音吐明暢多所規益同考會試所取號得人英廟復辟嘗  
與議諫不自言人亦無知之者使交南始定賓王之禮王初怒  
其抗欲有以汙之諫風節凜凜卒不敢犯比歸遺之厚贖却不  
受交人益服之未幾英廟敦尚文治特擢翰林耆宿八人進  
本院侍講學士五年忠國公石亨事敗言者以同鄉槩論之謫  
判廣州府人謂非所宜處諫曰官無內外職無大小皆天職也  
吾盡職而已公餘以其學淑廣之士發部擊蒙造就者衆庶人  
爲建學士亭尋被誣逮繫至京道卒喪舟過淮故兵部尚書河

溫王公公度方總潛於茲其切慟悼見其子幼家貧遙遙旅櫛  
無所於資歎曰季札葬其子廡博之間孔子以爲合禮况諫高  
郵人也何必西歸乃卜淮城之東吉壤葬焉遺其子琳爲郡庠  
生撫教備至諫性質粹美儀觀清潤博涉諸經子史百家之書  
爲文根極理致尤工於詩兼善書工古隸篆傍及宋元畫家吮  
毫運思一一臻妙能對鏡寫真通達國體留心世務志崇風  
教過河南澠池拜月川曹先生祠詢知分教霍州謝世遂留葬  
於彼曰狐死正首丘霍之弟子固不忘其師月川之靈獨不思  
故鄉乎乃損已資爲邑令遷葬故里月川名端始倡性理之學  
於中州所著太極圖解諸書河東薛文清公實紹其傳故諡尊



信之成化間 憲廟以 兩朝講官恩官子琳爲中書舍人歷  
陞吏部驗封司員外郎供事內閣卒所著有使南稿南坡集書  
經集義從古正文月令通纂傳於世

柯潛字孟時福建莆田縣人景泰辛未狀元及第數日授翰林  
修撰壬申四月陞右春坊右中允兼修撰甲戌二月禮部會試  
爲同考試官五月 命預修寰宇通志丙子五月通志成陞司  
經局洗馬仍兼修撰 英廟復辟改元天順更授尚寶司少卿  
兼職如故仍許歸省己卯二月命修 玉牒庚辰春 命偕呂  
學士原考禮部會試十二月 命充 東宮講讀官尋給 誥  
命進階奉直大夫癸未二月復 命偕陳學士文考會試塲屋

火罷甲申 憲廟嗣位以隨侍恩陞翰林院學士三月有 旨

選進士年少質敏者李東陽等十八人入翰林爲庶吉士命教

以古文詞學八月 上御經筵勅兼經筵官仍 賜白金三十

兩寶鏹二千貫文綺二表裏九月奉 旨纂 英宗實錄成化

改元八月考順天鄉試九月玉牒成賜鈔千貫是月再奉 旨

教庶吉士林瀚等二十四人十月 賜新刻貞觀政要十二月

命掌翰林院印丁亥八月實錄成陞詹事府少詹事兼翰林院學

士賜白金三十兩金織綵段三表裏折衣羅二表裏賜宴禮部

詳詹事府

萬安字循吉四川眉州眉山縣人正統戊辰進士時 英廟命

純選北方及蜀士爲庶吉士凡二十人安與選授編修景泰二年以易儲陞左春坊司直郎仍兼編修四年陞右中允七年改尚寶司丞仍兼編修天順戊寅改翰林侍講侍皇太子講讀六年陞翰林院學士成化二年丙戌主考會試三年預修英廟實錄成陞少詹事兼學士詳內閣

吳節字與儉江西吉安府安福縣人以春秋學著名當世宣德己酉領鄉薦第一庚戌會試第二甲進士高等選入翰林爲庶吉士擢編修九年陞侍講學者多從之遊於是天下稱春秋學者宗安福云景泰元年陞南京國子監祭酒節集諸生諭之曰方今聖人御極民物熙皞正爾士子學古入官之時也當勤

學業以事進修因詢事宜條陳國子監事宜言欲作興士類修  
理學舍且額設膳夫三百名例以囚充近因囚徒日鮮拱役不  
足宜如北監事例以糧僉兼撥又按洪武永樂中天下共爲一  
監諸生多而糧食廣故光祿寺寄官豕八十餘使膳夫豢之今  
南北分爲二監諸生數少一日之中米楚有限而所豢官豕猶  
夫舊也捐瘠陪償坐是逃避宜減省其半以甦困苦則人樂於  
充役矣從之於是合應天府屬縣編審均徭人戶充膳夫一百  
名其餘二百仍以囚徒充役三月庚子朔工部言節奏本監紅  
倉二十餘圮乃洪武中 孝慈皇后積糧以嘉惠監生之有家  
室者蘆蓆苦葢容易朽腐宜易以陶瓦庶存懿德遺愛於萬年

其意雖善但浩費必至勞民舊制難以擅改惟行南京工部隨時修葺一仍其舊節又謂本監殿廡門堂坊牌號舍建自洪武歷八十餘年日漸頽損宜及是時量行修理此其言之可從者擬行南京工部會同靖遠伯王驥往審視而規度之節又謂本監成賢街舊有號舍六十六間以處監生之患病者後因病沒者多遂至荒廢宜於沿街空土一方改建復宇號以居師生而使病者處其後廂則人烟日盛求水火易生全者衆矣此亦行南京工部體勘改建若有窒礙卽宜停罷 上從其議七年御史閻鶴言黜陟幽明乃國家勸懲之典進賢退不肖實治道用舍之公然幽者黜之而明者未陟則志士屈於下察不肖者退

之而賢者未進則仁者未興於高位今天下之廢或抱兼理之才而終於郡邑或負超卓之行而老於令佐或有政事而困於教官或有廉能而淹於雜職薦賢之詔屢下自非勢利不得與其選者多矣宜令在京堂上官并給事中御史在外責之巡撫巡按有不行推訪及舉主徇私濫舉者罪之吏部以聞上從其言於是節旌別屬官助教馮瑤等奏請權之天順四年九年考滿加二品俸還任八年八月纂修 睿皇實錄改授太常寺少卿兼侍講學士充副總裁官節教南雍十三年初陳敬宗以嚴毅爲教晚年益加峻諸生有不堪者節一切反之以寬其始兩京士夫稱譽謂得體其後士風不古多戾規矩或以咎節

節曰書云敬敷五教在寬而禮謂嚴師非師自嚴上之人嚴敬  
之也訖不變至是老成凋喪知典故者亡幾衆謂舉凡發例非  
得諳練者不可於是 召節乘傳赴闕改入翰林書成進本寺  
卿兼學士如故母王夫人年踰九十康健如少壯者節官南北  
奉以隨侍尋丁母艱服闋詣京謝葬祭 恩引年致仕允之家  
居十有餘年謝絕世事娛情詩詞卒年八十有五節爲人簡易  
質直信人不疑奉母至孝已巳之變條陳時政多切利病爲文  
如其爲人云

李泰字文通順天府香河縣人正統戊辰進士選庶吉士授編  
修景泰間遷左春坊司直郎兼編修再轉右中允 英廟復辟

改尚寶司丞兼編修既而侍 東宮講讀轉侍讀成化改元陞

侍講學士兼 經筵官尋侍 文華日講預修 英廟實錄二

年錄成陞少詹事兼侍講學士未幾進詹事兼職如故五年卒  
年四十三 賜祭葬贈禮部侍郎詳詹事府

劉詡字叔溫山東青州府壽光縣人正統戊辰進士改庶吉士  
授翰林院編修景泰丙子修寰宇志成陞修撰天順二年陞右  
春坊右中允侍 東宮講讀八年甲申 憲廟登極以舊僚陞  
太常寺少卿兼侍讀成化三年 英廟實錄成陞太常寺卿兼  
侍讀學士掌院事五年己丑主考會試十年陞吏部左侍郎十  
一年兼翰林院學士入閣詳內閣



周洪謨字堯弼四川叙州府長寧縣人自幼穎敏好學不倦侍父官長陽處諸子中卓然有名正統甲子領四川鄉試第一明年復占一甲進士第二授翰林院編修建言復提學憲臣以振作人才自是頗以好名見短於時景泰壬申陞左春坊贊善仍兼編修丙子修寰宇志成陞侍講天順戊寅進侍讀署南京翰林院事甲申 憲宗卽位召修 英宗實錄改翰林院侍讀三年丁亥進侍讀學士洪謨以文爲業然有志政務多所建白在翰林卽勸 上勤經筵以講 聖學謹內治以敦政本復條十二事以進及蜀寇作與長寧鄰境稔知其出沒設禦備之術甚悉遂見擒而其地晏然本年陞南京國子祭酒累官禮部尚書

詳禮部

劉吉字祐之直隸保定府博野縣人號約菴正統戊辰進士選庶吉士授編修景泰元年庚午充經筵官預修君鑑七年再修寰宇通志成陞修撰天順丁丑英宗復位命祀漢文帝唐太宗諸陵己卯預修大明一統志庚辰鄭世子及涇陽王以事召至命侍講讀時憲宗爲皇太子因命侍講讀於青宮癸未丁內艱成化元年修英宗實錄起復至以舊宮僚進侍講三年丁亥實錄成陞侍讀學士仍充經筵官侍講讀賜金帶等物五年己丑擢禮部右侍郎詳內閣

陳鑑字緝熙直隸長洲人正統戊辰進士授翰林編修景泰元

年代祀北鎮巫閭山還充 經筵講官七年遷修撰 英宗復

位奉使朝鮮天順四年同考試禮部明年預修大明一統志尋

選充 東宮講官六年主順天鄉試丁母憂服闋遷侍讀修

英宗實錄成進侍讀學士成化四年主應天鄉試明年奉詔教庶

吉士五年擢國子祭酒詳國子監

丘濬字仲深廣東瓊州府瓊山縣人景泰甲戌廷試爲二甲第

一名及選庶吉士凡十八人濬居首 命讀書秘閣七年授翰

林院編修八年 憲宗登極充經筵官成化元年陞侍講 命

與修 英廟實錄十二年續修宋元綱目成陞翰林院學士掌

院事本年會祭酒缺僉會議非濬不可乃陞祭酒詳內閣

徐溥字時用直隸常州府宜興縣人景泰甲戌進士及第第二  
名授編修天順元年丁丑兼司經局校書侍東宮講讀成化紀  
元遷左庶子兼侍講充 經筵官兼纂修 英宗實錄五年陞  
翰林院學士尋丁憂十年甲午十月服闋至京陞詹事府少詹  
事兼侍講學士十一年乙未主考禮部會試十三年七月以母  
憂去十六年庚子陞太常寺卿兼學士掌院事十七年辛丑再  
典會試陞禮部左侍郎詳內閣

孫賢字舜卿河間府杞縣人景泰甲戌進士第一授修撰預修  
寰宇通志成轉侍講天順初改左中允侍 東宮講讀 憲宗  
卽位遷太常少卿兼侍讀成化庚寅預修 英宗實錄進太常

卿兼侍讀學士上疏請立皇太子且引疾乞休示無希覬意章竝上上皆允之皇子立是爲悼恭太子賢憤憤不樂而卒年五十四贈禮部左侍郎兼翰林院學士謚襄敏

王獻字惟臣號退菴浙江杭州府仁和縣人天賦穎異幼知讀書記誦日數百言不煩孰復卽終身不忘十五學通經肆筆作舉子程文十七領鄉薦明年景泰辛未登進士第與狀元柯潛等二十八人同進學東閣賜居第給大官酒饌及膏紙費

命內閣大臣典領之蓋不別立師不出就外署一如永樂初科故事獻感際遇益肆力於學工古文詞在同年中最號敏贍時獻猶未娶吏部侍郎淳安項文曜見而奇之以女妻焉癸酉授編

修與修寰宇通志成陞修撰天順初乞歸省賜路費鈔踰年還  
朝命入內館授中貴人書癸未春同考會試會貢院火秋復試復  
爲同考是科先後兩入簾不改命者惟獻一人丙戌修撰秩且  
滿父訃至卽日 陛辭星行抵家治喪葬戚易兩至暇日與鄉  
人接恂恂謹厚無一毫早達貴侈之態人以爲難尋用薦起復  
之獻疏乞終制服闋陞左春坊左諭德兼修撰庚寅命充 經  
筵講官賜大紅織金襲衣束帶冠履辛卯再 賜大紅羅衣一  
襲是秋主考順天鄉試壬辰充 廷試讀卷官賜寶鏹千緡未  
幾陞翰林學士癸巳賜金帶本朝學士非典密務侍日講者皆  
不與是賜蓋異數也乙未掌院專復充廷試讀卷官賜寶鏹千

繙丁酉 朝廷用儒臣議追崇 先聖禮樂遺獻祭告闕里比  
還適所嘗與修宋元通鑑成陞詹事府少詹事仍兼學士戊戌  
皇太子出閣命侍講讀於文華殿又命偕學士南昌謝一夔教庶  
吉士梁儲等於玉堂外署辛丑主考會試壬寅修文華大訓成  
陞太常寺卿仍兼學士掌院事甲辰丁未再充 廷試讀卷官  
復再賜寶鈔自入翰林三十有七年先後握院章十六年年已  
五十餘後進推爲先達爲人性度夷坦襟宇澄霽與人交洞見  
表裏爲人謀不擇利害嘗有同官最厚者卒而子幼家事爲二  
弟所持獻忿然不平乃拉二三僚友爲之處分不得逞因與大  
學士商輅有隙遂造爲無根之謗以誣之好事者從而煽之坐

是不登樞筦屢要劇獻雖弗爲辯而亦不能釋然於懷卒之以此齟齬終身不克永年識者深惜之學通春秋三傳作詩文有奇氣好持論而切於用事作字亦飄逸類其爲人客至對奕終日其所自奉雖儉而供具必豐比遭謗則罕與人接遇親舊亦寡言初拜官時年方少而癯中歲漸豐腹比年乃更羸然如不勝衣蓋時已屬疾猶日侍朝供職相知者纔一再晨不見而獻已易簣卒年五十有四贈禮部左侍郎

楊守陳字惟新浙江寧波府鄞縣人景泰庚午舉浙江鄉試第一辛未舉進士被選改翰林庶吉士未幾丁父憂而祖父母相繼卒成化丁亥以考績陞侍講踰月實錄成陞司經局洗馬工



辰遷侍講學士 孝宗出閣被選日侍講讀會文華大訓成陞  
詹事府少詹事詳吏部

彭華字彥實江西吉安府安福縣人生負異質年十九領鄉薦  
景泰甲戌會試第一登進士選爲翰林院庶吉士七年修寰宇  
通志成授編修天順元年奉使 靖江王府還戊寅與修大明  
一統志以多支廩餼坐除名賴大學士李賢救免八年 憲宗

嗣位入侍經筵成化二年丁亥 英廟實錄成以纂修校正功  
遷侍講四年戊子充講官五年己丑進日講八年壬辰擢侍讀  
學士攝詹事府事 賜金帶十三年修續資治通鑑綱目成遷  
翰林院學士 孝廟出講儲宮華首講大學尋掌院事十五年

用內閣萬安薦超擢詹事仍兼學士詳內閣

尹直字正言別號寒齋江西泰和縣人景泰甲戌進士改翰林院庶吉士與修寰宇通志丙子五月除編修憲宗御極充

經筵講官與修英廟實錄己丑春祀四陵以秀王王祭陪祀

官循舊分行直言往者兩大臣王祭故陪祀者可分王今徧

詣四陵陪祭者尚可分耶禮官愕然從之壬辰陞侍講學士

所講必傅時政詞意誠懇上每爲感悟乙未陞禮部右侍郎

詳內閣

謝一夔字大韶江西南昌府新建縣人天順庚辰狀元除翰林修撰同庶吉士讀中秘書由是所學益博而精憲宗嗣統進

侍經筵被賞賚預修 英廟實錄據事直書得史官體二年同

考會試及實錄書成陞左春坊左諭德加賜銀幣繼修續通鑑綱目時預修者僅十有四人一夔分修元史凡所褒貶一依朱子書法多正前史之謬十三年史成進 御覽陞翰林學士安

賚有加尋命主考南畿鄉試鑒別精明得士最多嘗因辛卯屢變上疏陳五事一正宮闈以端治本二親大臣以誨治道三開言路以決壅蔽四慎刑獄以廣好生五戒妄賚以足財用言多剴切 上怒責之十四年戊戌 皇太子出閣 詔簡侍講讀 庚子陞禮部右侍郎詳工部尚書

江朝宗字

四川巴縣人景泰辛未進士

成化元年遷司經局洗馬八年二月同禮部

左侍郎兼學士萬安主考會試取吳寬楊一清陳壽等十三年  
陞侍讀學士十四年 皇太子出閣簡侍講讀八月權登注而  
以訶察執朝宗及都御史牟俸等下獄以嘗有事囑俸調廣東  
市舶司提舉

李永通字 四川長寧人天順庚辰榜眼授編修成化  
陞侍講十八年陞侍講學士本年卒

倪岳字舜咨應天府上元縣人天順甲申登進士入翰林爲庶  
吉士授編修預修 英廟實錄秩滿陞侍讀選充 經筵講官

被 命編輯文華大訓時翰林預者三四人而已書成進翰林

院學士選侍 皇太子講讀遂拜禮部右侍郎累官吏部尚書

詳吏部

焦芳字孟陽河南南陽府泌陽縣人天順甲申進士改庶吉士

成化元年授翰林院編修十年本院侍講十九年歷侍讀學

士時太宰尹旻在吏部又權勢所趨又子龍爲侍講遂深相結

納以濟南人且席其勢要市於人爲清議所斥二十二年尹敗

大學士萬安惡之坐比尹降桂陽州同知弘治初年遷霍州知

州歷四川湖廣提學副使五年上疏奏辯請雪其愆陞南京右

通政本年下半年補原職再以憂去十一年起復召入爲太

常寺卿兼侍講學士十二年陞禮部右侍郎累官內閣少師詳

內閣

李東陽字賓之湖廣長沙府茶陵州人天順甲申進士選爲庶吉士成化元年授編修二年與修實錄十年陞侍講十九年癸卯進侍講學士二十年充東宮講讀官二十二年丙午主考順天鄉試尋丁憂弘治二年己酉起復遷左庶子兼侍講學士四年辛亥預修憲廟實錄成陞太常寺少卿仍兼前職掌翰林院事充日講官癸丑主考會試得汪俊爲第一七年甲寅擢禮部右侍郎兼侍讀學士典誥勅八年乙卯命兼文淵閣大學士預機務詳內閣

一李傑字世賢直隸蘇州府常熟縣人成化丙戌進士選爲庶吉

十四年授編修十三年轉侍讀乙巳充東宮講讀官二十一年進侍讀學士弘治元年遷左庶子仍兼前職四年辛亥陞南京國子祭酒本年守制八年服闋政太常卿兼侍讀學士掌院事十三年庚申擢南京禮部侍郎餘詳禮部

汪諧字伯諧浙江仁和人天順庚辰進士歷右庶子成化二十三年孝宗卽位以侍從恩陞少詹事兼侍講學士掌院事詳詹事

傅瀚字曰川江西臨江府新喻縣人天順甲申進士改庶吉士授檢討進修撰成化間孝宗出閣命兼司經局校書左諭德兼檢討充經筵講官及東宮講讀官孝宗嗣位以舊學

恩進太常少卿兼侍讀仍充 經筵講官兼日講四年 憲廟  
實錄成進太常卿兼侍講學士掌院事六年十一月遷禮部右  
侍郎累官禮部尚書詳禮部

董越字尚矩江西贛州府寧都縣人成化己丑進士及第一  
名授編修十五年轉侍讀甲辰二十年選侍 東官講讀充經  
筵講官弘治改元遷右庶子兼侍讀 孝宗登極詔使朝鮮宣  
布德意却其餽遺有賦以紀其國俗弘治二年預修 憲廟實  
錄成陞太常寺少卿兼侍講學士充日講官六年擢南京禮部  
右侍郎累官南京工部尚書卒贈太子少保謚文僖諱南京工

部



程敏政字克勤直隸休寧縣人成化丙戌科第一甲第二人授翰林院編修同修英宗實錄己丑春同考禮部貢舉時欲刊一布大明一統志洪武正韻資治通鑑綱目皆同校勘書成遷左春坊左諭德乙未春廷試進士充受卷官俄詔侍講經筵尋兼皇太子讀講未幾丁襄毅憂服闋入朝丙午秋主考南京鄉試丁未孝廟踐祚叙進宮臣遷詹事府少詹事兼翰林院侍讀學士充日講官尋致仕弘治七年召還任未幾擢太常寺卿仍兼侍讀學士掌院事兼修玉牒累官詹事府禮部侍郎兼學士詳詹事府

王鏊字濟之直隸蘇州府吳縣人成化甲午應天鄉試第一乙

未曾試復第一入奉 廷對衆望翕然執政忌其文乃置一甲  
第三授編修九載陞侍講 憲廟實錄成陞右諭德尋晉侍講  
學士兼日講官時 東宮將出閣大臣請選正人以端國本首  
薦鏊以本官兼諭德尋陞少詹事兼侍講學士詳內閣

楊守陟字惟立號碧川浙江寧波府鄞縣人成化戊戌賜進士  
及第第二人授翰林院編修辛丑充廷試彌封官 賜寶鏹丁

未滿九載李孜省中傷之出爲南京翰林院侍讀至則署院事  
時守陳方署翰林事士論以兄弟俱發解第一又南北分典詞  
垣爲斯文盛事弘治改元戊申 孝宗御極召還翰林纂修

憲廟實錄已酉充 經筵官數對明暢義歸於正且極言進君子

退小人爲治亂之機言甚激切 孝宗改容聽之辛亥實錄成  
擢左春坊左諭德 賜白金文綺病士習浮靡文氣日入於弊  
其同考禮闈王應天順天鄉試俱務黜浮崇渾時稱得人丙辰  
署翰林院事預修 玉牒尋進翰林院學士奉 詔授庶吉士  
業會吏部考察翰林官屬去留協輿論丁巳充纂修 大明會  
典副總裁戊午 武宗春宮出閣講學充侍班官十二年陞南  
京吏部右侍郎詳南京吏部

劉機字文衡號省齋順天府大興縣人成化戊戌進士改翰林  
院庶吉士授檢討弘治己酉轉修撰 憲廟實錄成進侍讀侍  
經筵 武宗出閣轉侍讀學士日侍經筵講讀十三年會典成

遷學士十六年進少詹事兼學士充日講累官吏禮二部南京  
兵部尚書詳南京兵部

白鉞字秉德直隸真定府南宮縣人成化甲辰舉禮部廷試第  
二人及第授翰林院編修弘治戊申同修 憲廟實錄以內艱

去癸丑同考禮部丙辰秩滿選侍讀己未充經筵講官壬戌復  
同考禮部 武宗在春官充講讀官癸亥修 大明會典成進

侍講學士賜宴禮部尋命與修歷代通鑑纂要甲子考南畿鄉  
試乙丑以 登極恩進學士加從四品俸充日講官 賜紗帽

鞞靴諸物正德丙寅開 經筵賜白金綵幣 車駕視太學

賜坐彞倫堂丁卯 命教庶吉士署掌院掌擢禮部右侍郎詳詹

事府

張燦字仲湜廣西桂林府全州人成化戊戌進士選爲庶吉士授編修弘治己酉轉侍講戊午充東宮講讀官掌院事辛酉主考順天鄉試十二年進侍讀學士十八年陞學士尋遷國子監祭酒累官南京兵部尚書詳南京兵部

梁儲字叔厚廣東廣州府順德縣人成化戊戌會元進士改庶吉士十六年授翰林院編修二十二年命兼校書二十三年守制弘治四年陞本院侍講本年陞司經局洗馬十一年命兼翰林院侍講十三年陞翰林院學士掌院事十六年陞詹事府少詹事兼翰林院學士累官少師詳內閣

江瀾字文淵浙江仁和县人成化戊戌登進士第改翰林院庶  
吉士讀中秘書學日益裕未幾丁父憂服闋除編修丁未充廷  
試受卷官戊申 孝廟登極詔同修 憲廟實錄筆削惟公凡  
寶訓皆所校正庚戌充 廷試掌卷官尋充 經筵展書官辛  
卯實錄成進侍讀 賜宴及白金彩幣壬子充經筵講官每進  
講必正容殫慮以沃 聖心癸丑同考會試秉公校閱時稱得  
士乙卯主考應天鄉試校閱尤精丁巳 簡充 東宮講官日  
惟靖恭輔導尋修 大明會典凡制度器皿式擗撫精詳庚申九  
載考績陞侍讀學士尋丁母憂壬戌會典成陞學士 賜宴并  
楮幣千緡未幾修通鑑纂要一以春秋綱目爲準凡切於治道

人才者論斷精確是秋 武宗在東宮長髮以講讀官特賜白

金文綺甲子主考順天鄉試夙夜校閱得士視應天尤盛乙丑

武宗嗣位以從龍恩擢詹事府少詹事仍兼學士修 孝廟實錄

丙寅五月命掌翰林院事凡輿議均分寮案時論韙之十月陞

吏部侍郎詳南京禮部尚書

武衛字 山東沂水人成化戊戌進士改庶吉士歷

弘治十三年遷侍講學士十五年任學士閒住

王華字德輝浙江紹興府餘姚縣人成化辛丑狀元授官翰林

院修撰甲辰廷試進士爲彌封官丁未充會試同考官弘治改

元與修 憲廟實錄充 經筵官己酉秩滿九載當遷聞竹軒

疾節移病不出癸丑服滿陞右春坊右諭德充 經筵講官嘗

進勸學疏 上然其言自是御講日數丙辰三月 特命爲日

講官賜金帶四品服四月以選正人端國本公卿會舉爲 東

宮輔導戊午三月又 命兼 東宮講讀於是 眷賜日隆足

歲奉 命主順天鄉試辛酉又奉 命主應天鄉試壬戌陞翰

林院學士從四品俸尋 命教庶吉士魯鐸等繼又 命纂修

大明會典踰年書成陞詹事府少詹事兼翰林院學士累官南京

吏部尚書詳南京吏部

張元禎字廷祥江西南昌縣人天順己卯占江西鄉試明年推

進士時 詔北人爲庶吉士南方止三人江西惟元禎文名歛



起久之授編修己酉 命主考應天鄉試四年實錄成陞南京

翰林侍講學士本年又乞歸養母家居又九年十二年修 大

明會典 召爲副總裁至則陞翰林學士侍 經筵日講時

孝宗雅意向用特爲低几就聽之旋以母憂去十五年服闋擢南

京太常卿十六年修歷代通鑑纂要又 召爲副總裁至則改

太常卿兼翰林學士掌院事仍侍 經筵日講并侍 東宮講

讀十七年 命掌詹事府事管內閣 誥勅累官吏部左侍郎

詳詹事府

劉忠字司直河南開封府陳留人成化戊戌進士授翰林編修

性峻少通行方寡合一介不苟在翰林歷侍講幾三紀始拜侍

讀學士十八年進翰林學士掌院事正德二年爲講官每附經義規 上缺失及諷時政不得在內傳 旨陞南京禮部侍郎  
詳內閣

劉春字仲仁四川巴縣人成化癸卯鄉試第一丁未進士及第授編修弘治辛亥轉修撰庚申充 東宮講讀官秩滿遷左諭德癸亥預修會典進侍講學士正德紀元陞翰林院學士二年掌院事辛未擢吏部侍郎充 經筵日講官累官禮部尚書兼學士典 誥勅掌詹事府事詳詹事府

吳儼字克溫直隸常州府宜興縣人成化丁未進士選庶吉士授編修丙辰充 經筵講官 武宗出閣兼司經局校書庚申

轉左中允辛酉進侍講學士掌南京翰林院事正德丙寅召修

孝廟實錄充

經筵日講官兼修

玉牒丁卯典順天鄉試時逆

瑾恃寵招權儼於第二場以爲臣不易命題瑾心已惡之會儼擅娶經選掖庭女子瑾益震怒是歲朝覲考覈傳旨罷之五年瑾誅復侍講學士六年擢南京禮部右侍郎詳南京禮部

張芮字文卿山西平陽府安邑縣人成化戊戌進士選入庶吉

士授檢討弘治初預修

憲廟實錄暨會典正德初復修

孝

宗實錄轉修撰三年進侍講學士芮見逆瑾長揖不拜瑾恚之以憂歸所居近河南運司鹽商有訐奏者詞連及芮時劉瑾方欲以事裁抑儒臣遂坐累出爲鎮江府同知四年再謫兩浙鹽

運司副使本年遷處州府同知璉誅始入爲南京尚寶司卿六年進南京太常寺卿十年陞南工部侍郎未任致仕芮爲人朴實其處僚友無忤害心然性嗜酒終日酣酗於種學績文非其好云

蔣冕字敬之廣西全州人成化丁未進士授編修弘治庚申遷右中允乙丑修通鑑纂要轉右諭德兼侍講正德丁卯進侍講學士庚午主考應天鄉試辛未陞少詹事兼侍讀學士詳內閣  
靳貴字道充直隸丹徒縣人弘治庚戌進士授編修丙辰  
太子將出閣以尚書侶鍾薦兼司經局校書 孝廟幸講所特加獎異賜文綺玳帶庚申進春坊右中允癸亥會典成進左諭

德兼侍講貴每侍講筵敷奏雍容儀觀修偉 武宗登極以舊  
學進太常少卿兼侍讀充日講是歲丁內艱給驛歸治葬戊辰  
服闋還職尋掌翰林院授庶吉士業進禮部右侍郎詳內閣  
楊時暢字知休陝西咸寧縣人戶部尚書鼎之子也成化戊戌  
進士選庶吉士授檢討弘治紀元預修 憲宗實錄三年轉修  
撰元 經筵講官九年改右贊善十二年秩滿遷左諭德預修  
會典正德三年進侍講學士續修 玉牒四年擢太常少卿兼  
職如故尋卒於官李文正公銘其墓有曰經業有門周彖義文  
史法有傳鉞貶華褒講幄敷陳藝苑甄擇有一於斯皆公遺則  
有笏堆床有里鳴珂仲叔之間孰與伯多

毛紀字文之山東掖縣人成化丁未進士選庶吉士弘治二年授翰林院編修丙辰會試已未陞中書左

官尋陞五品服察亥修會典書成陞侍讀賜給驛歸省再

同考乙丑會試武廟卽位進左春坊左諭德兼侍講賜金

幣正德元年丁憂四年服闋復進講官改削其春坊銜本年

孝順賢孝成陞侍讀學士充且陞書林院學士五年陞戶

部右侍郎詳內閣

傅璉字邦瑞直隸清河人成化丁未進士選庶吉士弘治二

年授兵部主事父憂服闋除兵部主事丁父憂服滿仍原除九年同

考會試尋爲經筵講官及教內書館十三年兼司經局校

書纂修會典成陞奉坊左中允兼編修賜金幣十八年同考官  
試本年陞左諭德兼侍讀經筵講書賜金帶緋衣正德元年纂  
修 孝宗實錄清理軍機貼黃二年主考應天鄉試三年主考  
武舉咸稱得人四年敘庶吉士進日講官會實錄六年當進秩  
逆瑾以會典事詔降修撰尋以實錄恩陞中允未幾陞侍讀學  
士五年陞學士主考順天俄陞吏部右侍郎詳歷官書

毛澄字憲清直隸太倉州人弘治癸丑進士授教諭與同辰同考  
會試己未預修會典癸亥陞左諭德兼修撰與澄之繼於成  
子侍 東宮充講讀官敷奏明暢 孝宗聞之喜撤中殿書  
之乙丑陞左庶子兼侍讀與今帝預修實錄在內

兩國等所歷秩漢諫復原官庚午進侍講學士典試順天九月  
署國子監事辛未充讀卷官擢學士充日講官壬申掌院事敎  
庶吉士甲戌主考會試尋陞吏部右侍郎詳禮部尚書

徐穆字彝和江西吉安府吉水縣人弘治癸丑進士授編修

正德辛未陞侍讀學士本年卒

顧清字士澹直隸華亭縣人弘治癸丑進士選庶吉士授編修  
與修大明會典丙辰巳未連同考試癸亥丁內艱以會典成進  
侍讀正德初與修孝廟實錄焦芳以風聞欲誣彭文思附查  
攷省得進清不聽焦不能強中官蔣琮誣逐臺諫章疏雜查有  
與觸逆瑾欲節畧者清不爲動盡載其實丁卯主考南畿充



經筵講官每進講必稽古兼規諷辭旨剴直逆瑾竊柄清抗不爲  
禮鄉人張文冕用事清絕不與通戊辰丁憂已巳瑾矯詔以會  
典事降編修調南兵部車駕司員外以憂未赴庚午瑾誅還侍  
讀辛未陞侍讀學士兼修玉牒甲戌壬考武舉乙亥掌院事同  
輔臣照例考察有文綺之賜十一年秩滿進奉直大夫尋陞少  
詹事詳禮部尚書

吳一鵬字南夫直隸長洲縣人弘治癸丑進士選庶吉士授編  
修  
陞侍講調南京刑部  
司員外轉南京禮部

司郎中尋復侍講正德七年陞侍讀學士八年陞南京國子  
監祭酒十年陞南京太常寺卿詳南京吏部尚書  
卷